

Ukupna belina

Ajdasić
Hodović

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

I

AJDASLIĆ d.o.o. Tuzla, Cvjećara bb, ID broj: 4210321740005, kojeg zastupa direktor Mirsada Ajdaslić (u daljem tekstu: Dobavljač)

Zaključili su:

03-01-2020

UGOVOR O NABAVCI SLUŽBENIH PASA

Član 1.

Predmet ovog Ugovora je nabavka službenih pasa – 5 komada, i to:

- Njemački ovčar – 1 komad
- Belgijski ovčar – Malinoa – 4 komada.

Nabavka je izvršena putem konkurentskog zahtjeva za dostavu ponuda, na osnovu Odluke broj 02-14-4-4117-8/19 od 11.12.2019. godine.

Član 2.

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača broj 2/12/19 i na osnovu koje je, zajedno sa elementima iz tenderske dokumentacije i sačinjen ovaj ugovor.

Ponuda Dobavljača broj 2/12/19 je sastavni dio ovog ugovora.

Član 3.

Ukupna vrijednost ugovora sa uključenim PDV-om iznosi:

11.998,35 (jedanaest hiljadadevetstotina devedesetosam i 35/100) KM

Cijena i ostali elementi ovog Ugovora se ne mogu mijenjati.

Član 4.

Dobavljač se obavezuje da će robu iz člana 1. ovog ugovora isporučiti najkasnije u roku od 30 (trideset) dana od dana stupanja na snagu ovog ugovora, na adresu Ugovornog organa.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog ugovora.

Kašnjenje u realizaciji ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

Član 5.

Za svakog psa prilikom isporuke ponuđač je dužan dostaviti: rodovnik, radno eksterijernu knjižicu, veterinarski zdravstveni pasoš.

Član 6.

Plaćanje izabranom ponuđaču će se vršiti u roku od 30 (trideset) dana od dana isporuke robe i dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 2. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 8.

Predviđa se mogućnost zamjene psa koji ne zadovolji probni rad. Probni rad će trajati maksimalno 30 dana.

Dobavljač se obavezuje da će poštovati sve uslove ugovora.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 9.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 10.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 12.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.


Član 13.

Ovaj ugovor je zaključen, kada isti potpišu obje ugovorne strane i traje do realizacije ugovorene isporuke.


Član 14.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
AJDASLIĆ
d.o.o Tuzla


direktor Mirsada Ajdaslić

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Nusret Selimović

Broj : _____

Datum: 31.12.2019.

Broj : 02-14-4-4117-12/19

Datum: 30.12.2019. godine

